

PETIKAN TITAH

"BETA berharap perubahan-perubahan yang dibuat ini akan dapat meningkatkan lagi mutu perkhidmatan dan kelicinan jentera pentadbiran dalam kerajaan beta, yang mana matlamat yang dihasratkan ialah



MANISNYA IMAN

"DAN perangilah kerana menegakkan dan mempertahankan agama Allah akan orang-orang yang memerangi kamu dan janganlah kamu mencerooboh dengan memulakan peperangan kerana

R abu

1 Jun, 2005
23 Rabiulakhir, 1426
Tahun 50 Bilangan 22

[Berita Utama](#)[Berita Ringkas](#)[Haluan](#)[Dari Sidang Pengarang](#)[Melirik Masa Silam](#)[Fokus](#)[Suara Dari Mimbar](#)[Menuju Keredaan Allah](#)[Bicara IT](#)[Teropong Pelita](#)[Minda Pembaca](#)[Remaja](#)[Menjana Kesihatan
Biskita](#)[Pendidikan](#)[Arena Sukan](#)[Iklan-iklan Tawaran
Kerja](#)[Iklan-iklan Tawaran](#)[Arkib](#)

TAHUKAH AWDA?

PADA tahun 1996, perpustakaan awam mempunyai 184,621 buah buku dalam bahasa Melayu, 164,028 buah buku dalam bahasa Inggeris dan 1,082 buah buku dalam lain-lain bahasa. Sehingga bulan Mac 2000, jumlah buku dalam bahasa Melayu bertambah kepada 209,110 buah, buku bahasa Inggeris bertambah kepada 176,650 buah dan buku-buku dalam bahasa lain bertambah kepada 1,143 buah yang keseluruhannya berjumlah 386,903 buah. Di samping perpustakaan awam, kerajaan juga menyediakan sembilan buah perpustakaan di institusi pengajian tinggi, 31 buah di sekolah-sekolah menengah, 122 buah di sekolah-sekolah rendah, tujuh buah di kementerian-kementerian dan 44 buah di jabatan-jabatan kerajaan. - Sumber: Rancangan Kemajuan Negara Kelapan 2001-2005 (tt :191).

Pelita Brunei Online
Jabatan Penerangan
Jabatan Perdana Menteri

Alamat e-mail:
[Pelita Brunei](mailto:pelita@pelita.com)

HALUAN



TITAH Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam di Majlis Santap Malam sempena lawatan negara Tuan Yang Terutama Shaukat Aziz, Perdana Menteri Republik Islam Pakistan dan isteri serta rombongan ke negara Brunei Darussalam pada 7 Mei 2005 di Istana Nurul Iman.

Sumbangan besar golongan profesional Pakistan dihargai

*Assalamualaikum Warahmatullahi Wabarakatuh
Bismillahir Rahmanir Rahim*

ALHAMDULILLAH! Rabbil 'Aalameen, Wabihee Nasta'eenu 'Alaa Umuuriddunya Waddeen, Wassalaatu Wassalaamu 'Ala Asyrafil Mursaleen, Sayyidina Muhammaddin, Wa'alaa Aalihiee Wasahbihee Ajma'een, Waba'du.

Tuan Perdana Menteri, beta dengan amat berbesar hati mengalu-alukan kedatangan Tuan ke Negara Brunei Darussalam, juga diucapkan selamat datang kepada Tuan dan Puan Begum Rukhsana.

Beta berharap akan dapat membalas sedikit sebanyak layanan penuh mesra yang sentiasa rakyat beta terima tatkala melawat Pakistan.

Kami amat gembira menerima kedatangan Tuan ke negara kami.

Beta juga ingin menyampaikan salam mesra kami kepada Presiden Musharraf juga kerajaan serta rakyat Tuan.

Presiden Musharraf pula mengadakan kunjungan ke negara ini lima tahun yang lalu.

Tatkala beta mengadakan kunjungan negara ke Pakistan pada tahun lepas, kita telah menegaskan lagi perhubungan yang kukuh yang diagih sejak lama di antara kedua-dua kerajaan dan rakyat kita.

Di waktu yang sama, sewajarnya kita perlu meneliti cara-cara bagi memberikan pengertian yang positif dan praktikal dalam abad baru ini.

Justeru itu, beta amat sukacita atas usaha yang dijalankan pada tahun-tahun kebelakangan ini.

Sedikit demi sedikit kita sedang mewujudkan beberapa kerjasama formal yang amat berharga dalam pelbagai bidang.

Ini meliputi spektrum kerjasama yang meluas dari ehwal sosial, budaya mahupun keagamaan malahan juga dalam bidang ekonomi, pendidikan, kesihatan dan pertahanan.

Mereka diberikan dimensi yang hangat lagi mesra oleh begitu banyak konteks peribadi yang diagih oleh rakyat kita.

Ini jelas diperlihatkan dari sumbangan besar yang diberikan oleh golongan profesional yang berbakat, kaum peniaga serta para pekerja dari Paskitan dalam pembangunan negara kita.

Tuan Perdana Menteri, kami amat menghargai kesemua ini.

Di waktu yang sama, juga pada tahap yang lebih meluas beta ingin melafazkan ucapan terima kasih kepada kerajaan Tuan atas sumbangan yang dihulurkan bagi rantau kami.

Ini tidak hanya menggiatkan hubungan dua hala yang sihat di antara kedua-dua buah negara kita, malahan juga dengan kesemua negara-negara jiran di rantau ini.

Ianya memang jelas terbukti dengan respond yang sangat baik yang Tuan berikan dalam situasi genting seperti yang dihadapi oleh mangsa-mangsa Tsunami pada bulan Disember lalu.

Ini merupakan kenyataan yang menyentuh perasaan dan bertenaga yang penuh dengan belas kasihan serta berperikemanusiaan.

Ianya menyebabkan kami amat gembira menjadi penyokong kuat bagi hasrat negara Pakistan untuk memainkan peranan yang aktif dalam usaha ASEAN untuk mewujudkan Asia Tenggara yang kukuh, mantap lagi makmur.

Demi memperlihatkan hasrat rakyat tuan bagi mengagih segala matlamat serta cabaran, kami amat gembira bilamana tuan menandatangani Perjanjian Persahabatan dan Kerjasama. Di samping itu kami amat mengalu-alukan penyertaan Tuan dalam Forum Serantau ASEAN.

Pakistan selaku hos Dialog Kerjasama Asia merupakan contoh yang nyata komitmennya terhadap benua yang kita kongsi sama.

Kehadiran Tuan ke arah ini juga mesyuarat-mesyuarat ASEAN yang lain akan meningkatkan lagi dengan mendalam skop segala perundingan serantau kita.

Memang menjadi satu kegembiraan juga satu keistimewaan bagi mendapatkan kepakaran, bakat serta nasihat bijaksana negara Tuan sebagai sebahagian daripada proses ASEAN yang menyeluruh.

Kami mengalu-alukan Pakistan sebagai rakan kongsi serantau yang baru dan berharga, di samping sahabat yang cukup lama dan amat dihormati bagi rakyat kami sendiri.

Tuan Perdana Menteri, dengan semangat ini, kami mengucapkan salam penuh mesra persaudaraan dan kerjasama dari kami. Wabillahir Taufik Walhidayah, Wassalamualaikum Warahmatullahi Wabarakatuh.